

# Psalm Wela ma Pari

## *Pariverena*

Mara manamanaina i netawanana rava mağamağau taputapunei ava wela ma pari i girumi wei au bukana. Mai Israel wei welai ma pari i tami ma i teretagogiei da lamnei God i viviborumei.

Wei au bukana wela ma pari tapuna ma tapuna. Ĝelaui God e viviborumei ma e vovoepaepai ma ana iviaiai aubaina e viviegualauei. Ĝelaui e vivibağ aagu ma gagalo aubaina, bo notatawanana aubaina. Wela au ĝelaui, rava e raraupari ai gulau aubaina ma god e vivibağai da ai ĝavia ita kovoği. Ma wela au ĝelaui tauamgiruma ana apoapoe ma ana nuabola aubaii God awarina i beubeura.

Ma marağela Iesu riwa wei au parii i vaia da i viaramana. Kerisiana wei welai ma parii i welewelei ai au viboruma ma i jimajima.

## **Wela vinevinei**

Psalm 1, 10, 23, 27, 34, 51, 67, 90, 95, 1-11, 100, 103, 110, 103, 110, 119, 9-16 ma 139.

## **Buka Tagogi**

# 1

## *Nuaiaii ririwa-kauana*

- <sup>1</sup> Rava viaiainana, lamna eğə ġo'apoapoe ravai ita votağotağoi,  
ma ponai eğə ita rarautaniğanei;  
ma vivijiboğai eğə awarii ita kiakiala.
- <sup>2</sup> Wate BADA ana tarawatu i vinuaiae,  
aupom ma marai e notanota-vaitetei.

<sup>3</sup>◊ Tauna me ai, waira au adana gogogona,  
ana au mara e rarauan;  
ma rugurugui ega ita poipoi.

Wei ravanana, aiwai anatapuna e kaukauana-kauei.

<sup>4</sup> Wate go'apoapoe ravai ega nanare!

Taui me rugurugu, ive i kapupuana-naiei;

<sup>5</sup> Lamna aubaina go'apoapoe taukauei BADA ana  
au etera ita mairi ava,  
ma nanare goa apoapoei ta kuae rava jijimani  
ai au dam ita mae ava.

<sup>6</sup> BADA goa aiaii ravai e rarauetaraveni ma e paipaini;  
wate go'apoapoe ai etanai au damona, pupui.

## 23

### *Bada taupainiu\**

David ana wela

<sup>1</sup> BADA taupainiu  
ma ega aiwai ana voladagei.

<sup>2</sup> Gidagida majimajigai au tepana i vimataveniu,  
ma i raveniu waira au raraunairina au adana.

<sup>3</sup> Au rewapani e raviravivouni  
ma wavana aiaina aubaina etanai jijimaninei  
i raveniu.

<sup>4</sup> Avena da gwagwa waguwaguvareina ana naeni,  
wate ega aiwai apoapoeni ana rovoei.

Aubaina tam au ririvau da am kwapuei ma  
jigonei e gagagaloeu ma e vivinuaubaiu.

<sup>5</sup> Aubaiu totele a vokaukauei au gavia au naoi.

Oilei kolau u vola gola goi da tam u vinuavaineu,  
ma au kelaka i oa-karagelai.

---

◊ 1:3: Jer 17:8    \* 23:: Taupainiu me sipu taupainina.

6 Ee! Riwa kaua da am iviaiai ma am  
raunuapoapoe maemae nonoana awariu  
ina mae, da au mara au damona.  
Ma BADA ana au numa ana mae-nonoa.

## 27

### *Voepaepa parina*

David ana wela

- <sup>1</sup> BADA au lalalaina ma au tauvilawana,  
aiwai ana rovoei!  
BADA au taugagagalo  
aiwai ana rovoei!
- <sup>2</sup> Maranai āgo'apoapoei ravaii i āgetai  
da ita vunuiu,  
au āgavia  
aei ina pakana-melei da ina peu.
- <sup>3</sup> Avena da sorodia borui ina mae-gariāguruviu,  
tau eāga ana rovo dadana.  
Maranai au āgavia i vomairi,  
tau anina da God ana vivitumaāganei.
- <sup>4</sup> Kaua tagogi ava aubaina a vivibaāga.  
Au āgoana āgægæna da,  
BADA ana au numa, boruborumana ana mae,  
ma ana voepaepai. Au lawana au anatapuna.
- <sup>5</sup> Nuabola au marana  
ina tereāgariu.  
Ana gabu au vivivireina, ina teregovaāgiu.  
Ma ola au tepana ina tereu  
da āgavia eāga ina vodadaniu.
- <sup>6</sup> Ma au āgavia i garigari kwaipipiniu,  
ana tuvaidoedoei.  
Da au tempol ana morelanau pulo ana apui  
BADA awarina.  
Ana vinuaiai ma welei ma arei ma ana voepaepai.

- <sup>7</sup> BADA ma rautaniāganeu maranai awarim  
       a kwatukwatu,  
       ma raunu'apoapoleu ma ma paribeieu.
- <sup>8</sup> Au orau u riwa, u pa, "Ma nei da ma rauduneleu."  
       Tau a paribelem a pa, "BADA a nenei."
- <sup>9</sup> Eāga ma raugovaāgeu,  
       eāga awariu ma īgaiawa.  
       Am taunola eāga ma inana geduaiei,  
       au anatapuna tam, au tauagu.  
       Eāga ma netawaneu,  
       au God, tam au tauvilawana.
- <sup>10</sup> Avena da amau ma alou ita teretawaneu,  
       wate BADA ina paina-kaueu.
- <sup>11</sup> BADA, ma viaramaniu da am īgoana ana kaei.  
       Ma etanai au īgadaāgarana ma taravainiu  
       aubaina au īgavia ī magā
- <sup>12</sup> Taui moruei ma parivairovorovoei  
       e vunuvunuui.  
       Lamna aubaina, eāga ma teretawaneu awarii
- <sup>13</sup> A 'ramanei da BADA ana viaiaina ana inanai,  
       weka lawalawai ai au dobu.
- <sup>14</sup> BADA ma vitumaāganei,  
       da ma virewapana ma tepam ina tora.  
       Anina BADA ma vitumaāganei!

## 34

### *BADA ma viborumei*

- <sup>1</sup> BADA ana vimaeāgaaeni marana patapatai,  
       ma ana viborumana-nonoei.
- <sup>2</sup> Orau taputapuneiBADA ana voepaepai;  
       Vilamolamonai riwau ina nonori ma  
       ina vinuaiai.
- <sup>3</sup> Ona nei ata BADA tana vimaeāgaaeni  
       wavana tana voepae-gogonei.

- <sup>4</sup> A raupari BADA awarina ma i paribelev,  
awariu rovo anatapui i vaitawanei.
- <sup>5</sup> Aiavoi awarina e inainana,  
taui naoi ina ravilalai  
ma ēga melanai ina vitepa-ubaubai.
- <sup>6</sup> Au nota i kwa da a āorei, ma i nonori  
ma nuabola au orau i vaitawanei.
- <sup>7</sup> Aiai da BADA e vivivirana-kauei,  
ana anela taui e inana-vaitetei, ma e vivilawani.
- <sup>8</sup> Taumi ona raudadani ma ona aramanei da BADA  
i aii.  
Taui BADA au āouna maemae nuaiai āēgaena  
awari.
- <sup>9</sup> Taumi vivitumaāganami ēga aiwai ona voladaāgei.  
Lamna aubaina, BADA ona vivirei.
- <sup>10</sup> Lion āauboi mara āela am e irairāge,  
wate aiavoi da BADA awarina e vitumaāgana ēga  
ina voladaāga.
- <sup>11</sup> Natunatu, ona nei, ona rautaniāgana,  
ma ana viararamanimi da BADA ona vivirei.
- <sup>12</sup> Taumi o āoei da ami lawana ina aii  
ma ina manawa bo?
- <sup>13</sup> Nanare, lamna menami ona paina-melei da ēga  
babani apoapoe bo moru ona babaniei.
- <sup>14</sup> Āoa apoapoe ona geduaiei ma kaua aiaii  
ona kaukauei,  
ma ona voguratei da nuauba lawanana  
ona maeni.
- <sup>15</sup> BADA, matana āoa aiaii ravai awari e tereterei,  
ma taniāgana e tonetonei mepa da agu e toutouei.
- <sup>16</sup> Wate tauna āo'apoapoei ravai e mamae-puputei  
taui ina irāge ma rava nuanuai ina vuru.
- <sup>17</sup> Rava jijimanii agu aubaina e viviāgore BADA awa-  
rina

- tauna e rarautaniġana ma ai vita e vaivaitawanei.
- 18** Tauna rava peupeui, rovorovoi, ma vinuabolai  
e vivilawani,  
tauna rava orana i peu kaua e vovoepai.
- 19** Rava jijimanii ai nuabola i maġa  
wate BADA taui e vovoagui ai au nuabola.
- 20** E inainana-vaitetei da eġa gelamina tagogi  
ina wanagai.
- 21** Ĝoa apoapoe ravai ai apoapoe ina vunumelei,  
ma aiavoi da ġoa aiaii ravai e gedugeduaiie,  
ina kovoġi.
- 22** BADA ana taunola e gagagaloei,  
aiai da e nenei BADA au ġouna, kovoġa ina vorei.

## 51

### *David ana rupena*

Mara tagogi, Gulau David ana taunola Uriah  
awana Bathsheba i tavimatanei da maitenii matave.

**1** Oo God, ma raunu'apoapoeleu. Tam nuavaina  
maemae-nonoana amai.

Tam raraunuapoapoei amai  
au ġo'apoapoe ma notatawanei.

**2** Au rauaġaiġai ma oġai  
ma au ġo'apoapoe ma oġa-tawanei.

**3** Au rauaġaiġai a aramanei  
marana patapatai a notanotai.

**4** Kaua apoapoei a kuae.

Tam ainelam awarim Ĝoa apoapoei a kuae,  
ma am viwavu lamna riwa kaua.

Amapo anina da ma kovoġiu.

**5** Tau rauaġaiġaiu, melamelauei da marina

Au manawa da marina tau āgo'apoapoe  
tau kaueina.

<sup>6</sup> Wate tam u āgoei da riwa kaua au ora-dewadewau  
ina mae.

E viviararamaniu da nuaulaula orau ina oai.

<sup>7</sup> Au āgo'apoapoei ma oāga-tawanei,  
ma oāgaiu da ana arapoira da gonu rovena ara-  
poirana ana āgetawanei.

<sup>8</sup> Ma riweu da au āgo'apoapoe u nota-tawanei  
da ana vinuiaiai ma ana morelana  
avena \*da gelamiu u viaigaigai, marina  
ana vinuiaiai.

<sup>9</sup> Au go'apoapoe ma inana-tawanei  
ma au apoapoe mirai ma boai.

<sup>10</sup> Oo God nuanua ma ravivouni  
da ana vipayatu kaua awarim.

<sup>11</sup> Eāga au naom ma tawana-opuneu  
ma awariu eāga Aruam Vivivireina  
ma vaitawanei.

<sup>12</sup> Vilawana nuaiaina ma ravivouni me au naona  
nanare  
aruau ma viaiaini da ana votetelelem.

<sup>13</sup> Lamnei, āgo'apoapoei tau kauei am kaua  
ana viararamani,  
da ina mae-tavirei awarim.

<sup>14</sup> Oo God, vi'rāgena vitana awariu ma vaitawanei,  
da am kaua jijimanii ana welei.

<sup>15</sup> Oo Bada ipiriu ma votawanei da gamou  
ina vimaēgāeñāenim.

<sup>16</sup> Au pulo, āgamōgamo ata apui awarim,  
wate tam pulo apuapunana eāga uta vinuiaiae.

<sup>17</sup> Bada, pulo e āgoēgoei lamna vilamolamona.

\* **51:8:** Au vinuabola lamna me gelamiu wanagaina

BADA, ēga au vilamolamona ma au rupena ma  
geduaiei!

<sup>18</sup> Am nuavaina Jerusalem ma viaiaini,  
ma ana gari ma voa-melei.

<sup>19</sup> Anina ma ai pulo nota aiainei ina vikarena-melei  
da ina kaukauei ma ma vinuaiae.  
Taui pulo tapuna ma tapuna ina apui awarim.  
Bull māgamāgai am au aniamapu ina apuapui.

## 67

### *Viegualau welana*

<sup>1</sup> Oo God ma raunu'apoapoelelai ma ma viaiainiai,  
ma naom weka ma tereiai da ma voaguiai!

<sup>2</sup> Da au dobu am kaua ina aramanei,  
da rava anatapui au dobu ina aramanei da tam  
ai tauvilawana.

<sup>3</sup> Rava ina voepaepaim Oo God,  
rava anatapui ina vimaeḡaēḡaenim.

<sup>4</sup> Rava anatapui au dobu ina vinuaiai ma ana more-  
lanai ina wela,  
aubaina tam rava anatapui au dobu, kaua  
jijimaninei e vivibadei  
ma e paipaini.

<sup>5</sup> Rava ina voepaepaim Oo God.  
Rava anatapui ina voepaepaim.

<sup>6</sup> Anina ma doa maura āḡaēḡaena ina vereta  
ma God ina viaiaina-kaueta

<sup>7</sup> Riwa kaua, God ina viaiainita  
ma rava anatapui au dobu tauna ina vivrei.

# 90

*God ana taunola Moses ana pari*

- <sup>1</sup> Bada ai animae  
kimta wariaġa da marina.
- <sup>2</sup> Tam God maemae nonoana  
muriae da ola  
ma dobu uta kuae.
- <sup>3</sup> Tam rava e ririwei da e vipokau, ma e ririwei,  
“Rava ona wanaviraimi”
- <sup>4</sup> Tam awarim madęga 1,000 lamna me aupom  
tagogi, i tupo kaua  
me raviravi, eġa ita manawa dadana.
- <sup>5</sup> Rava ai lawana e vaivaitawanana laġilaġinei me  
rauboni damona.  
Taui me modu, ubaubanai e raraupairei,
- <sup>6</sup> da e rarata ma e talatalai,  
wate aubigai e ġivigivi.
- <sup>7</sup> Nanare am meji tauai e lagulaguriai ma  
maranai e ġaiġaiawa tauai a rovorovo kaua.
- <sup>8</sup> Ai ġo'apoapoe anatapui au naom u lavaei,  
ai ġo'apoapoe govagovaġana, wate anatapuna  
e inainanai.
- <sup>9</sup> Am meji ai lawana i vitupoi,  
ma ai madęga laġilaġina e kwakwa, a lavutu-  
tawanagan.
- <sup>10</sup> Madęga 70 i vereta da tana mae,  
mepa da tana virewapana lamna 80;  
Wate wei lamna nuabola ava ina vereta,  
eġa tana mae-pora ma tana nae.
- <sup>11</sup> Eġa aiai am ġaiċċa malana ita vai-kauei.  
Mepa da am ġaiċċa ata aramana-kauei, lamna  
tauai ata vivirana-kauem.
- <sup>12</sup> Ma nanare, ma viararamaniai da ai lawana i tupo  
kaua,

ma lamna aubaina awarim nuaulaula  
ana vaia.

- 13** Oo BADA! Ma nememei awariai.  
Ma mae-tavirem, ma vinuabolelai, tauai am taunola.
- 14** Ubaubanai marana patapatai am nuavaina  
maemaena ma verelai,  
da ana morelanai ana logoiai ma ai au mara  
anatapuna ana vinuaiai.
- 15** Madeğā biağā u kovoğiai, nuaiai ma verelai  
da madeğana biağā a vinuapoapoe ina kovoğī.
- 16** Tauai am taunola, am nola vivirewapanana  
ma viatataielai.  
Ma natunatuiai am boruma ma viatataiei.
- 17** Ma Bada ata God ana vianina ina viatataiet  
ma ina kuae da aiwai anatapuna ta kaukauei  
anona ina tupua.  
Nanare ai nola ma viuai.

## 91

### *God ata rawena*

- 1** Aiai ravana e nenaе Aidamo Telarana awarina  
agu aubaina,  
lamna Vivirewapanana Kaukauana au riri-  
vana ina mae.
- 2** BADA au God awarina ana riwa ana pa, “Tam au  
anigagalo ma au tauviğavia.  
Tam au God, a vivitumağanem.”
- 3** Aubaina tauna, ğavia ana waro govagovağai  
ma numa raraububu awarinei ina gagaloemi.
- 4** Tauna papenenei ina tereğovağimi ma papena au  
gabaurina ina gagaloemi;  
ana vipatutu, am rawena ma am anigagalo.
- 5** Waguvvara kauai vi'ni-rovorovoi eğä  
ona rovoei,

- bo ġavia madeġai e viviġavia,  
<sup>6</sup> bo numa raraububu waguvvara e viviġavia,  
 bo doria madeġai e viviraġena.  
<sup>7</sup> Avena da rava tausan au ririvam i peu,  
 bo ten tausan au oiem i peu;  
 wate tam ita vodadana-avem.  
<sup>8</sup> Matamiei ona inana ma ona inanai  
 ġo'apoapoe ravai ai kovoġa.  
<sup>9</sup> Aubaina BADA o vaia ami rawena; Getelarana ami  
 taugagalo.  
<sup>10</sup> Eġa aiwai apoapoena awarimi ina tupua bo  
 au numa ina ġeta.  
<sup>11</sup> God ana anela ina terei da ina painimi  
 ma ina gagaloemi ami au babara.  
<sup>12</sup> Taui uraiei ina voepaim  
 da aem eġa ġaima au tepana ma rauei.  
<sup>13</sup> Taumi lion ma mota ona vovaiubai,  
 lion ġaīgaiawai ma mota viviwiawai  
 ona tugwadagwadai.  
<sup>14</sup> God i riwa i pa, “Aiai nuanuau e vaivainonoei,  
 ana vilawani;  
 ma ana gagaloei, aubaina i aramana-kauei.  
<sup>15</sup> Maranai i kwatu awariu, ana paribelei.  
 Tau kampa ai au nuabola,  
 ana taravaini ma ana voepaepai.  
<sup>16</sup> Ai lawana ana vimanaini,  
 ma au vilawana mamae-nonoana  
 ana viatataiei.”

## 95

### *BADA tana welei*

- <sup>1</sup> Ona nei! Tana wela BADA awarina.  
 Ana nuaiaita tana wela God ata tauvilawana  
 vivirewapana awarina.

- 2** Tana nei au naona ma tana viegualauei  
ma welei tana voepaepai.
- 3** Aubaina BADA lamna God virewapana  
kaukauna,  
ma god anatapui e inainana-ḡairei.
- 4** Dобу anatapuna au urana,  
guba ḡaeḡaei doa au orana da ola ḡaeḡaei au  
tepai.
- 5** Boga tauna ḡarinei, tauna i kauei  
ma nanare tauna uranei dobu alalana i tere-  
kauei.
- 6** Ona nei ma tana raudune ma tana vimaeḡaeḡaeni,  
ae tututa tana tapeḡaroei taukaueta BADA awa-  
rina.
- 7** Aubaina tauna ata God.  
Tauta natunatuna. Ana sipu ma  
e ḡamoḡamoita ana au wapu.

Mepa da ponana o nonori amadodo,

**8** ✧E riwei i pa “Eḡa orami ona gudui me amamami  
au Meribah;  
me au mutulua au Massah.

**9** Kampa amamami i ’nanai, kauababai a kauei  
wate eḡa ita vitumaḡaneu, ma i raudadaniu.

**10** Madęga 40 wei kimtana awari amlou i ḡaiḡai ma  
a riwa,  
‘Wei ravai orai i bagibagi ḡaḡa!  
Eḡa ita rarautaniḡaneu.’

**11** Ana mejiu a parivainuaḡani,  
‘Gabu a vokaukauei ami lauvitau aubaina wate  
kampa eḡa melanai ona rui.”

---

✧ **95:8:** Exo 17:1-7; Num 20:2-13

**100***Voepaepa welana*

- <sup>1</sup> Rava anatapumi au dobu ona logoimi BADA awarina!  
<sup>2</sup> Ana nuaiaimi BADA ona voepaepaei,  
     ona nei au naona ma ona welei.  
<sup>3</sup> Ona aramanei da BADA anina God.  
     Tauna i kaueta.  
     Ma tauta tauna ġarinei. Tauta tauna natu-  
         natuna. God ana sipu ma e gagaloeta me sipu  
         taupainina.  
<sup>4</sup> Ana welami ana au gari ona rui ma voepaepami  
     ana au aniviboru ona rui,  
     ma ona vimaegaeġaeni.  
<sup>5</sup> Aubaina BADA i aii;  
     natunatuna e vivinuavaina-nonoei,  
     ana vipatutu e mamae-nonoa, kimta au anata-  
         pui.

**103***BADA ana nuavaina*David i girumi

- <sup>1</sup> Orau taputapunei BADA ana voepaepai.  
     Wavana vivivireina ana voepaepai.  
<sup>2</sup> Orau taputapunei BADA ana voepaepai,  
     kaua aiaii i kauei aubaiu ega nuanuau  
         ina vuru.  
<sup>3</sup> Au go'apoapoe anatapui e notanota-tawanei,  
     ma doria awarinei e vivilawaniu.  
<sup>4</sup> Ata iraġe ma i sinaepaiu  
     ma nuavainei ma raunuapoapoelei  
         e vivigulaueu.  
<sup>5</sup> Au lawana au anatapuna

- purapura aiaii avai i verevereu, au vilaraga  
marana i raviravivouni me \*manubada.
- 6** BADA ana kaua anatapuna jijimanina.
- 7** Ana oga Moses i viatataie,  
ma mai Israel BADA ana kaua vivirewapanai  
i 'nanai.
- 8** BADA raraunuapoapoena ma ivina aiaina,  
Ēga lāgilaḡina amlona ita vōgaīgai. Ana nu-  
avaina maemae-nonoana.
- 9** Ēga mara nonoa ina enita,  
ma ana amloḡaīgai ēga ita mamae-nonoa.
- 10** Anina da ita kovāga-kaueta,  
wate i raunu'apoapoleta da kovōga ēga  
̄gaēgaena ita verevereta.
- 11** Dobu weka ma mara nore au tepadewadewana.  
Nanare, BADA ana nuavaina i rata guratana  
taui da BADA e vivivirei awarii.
- 12** Mepa madēga e gogogolana da mepa  
e ̄gaīgairalana, lamna uama,  
ma nanare ata ̄go'apoapoe vinimalana  
e vaivaitawana-naiei aueia.
- 13** Me ama natunatuna e rarau-nuapoapoelei,  
nanare BADA natunatuna e rarau-nuapoapoelei.
- 14** Aubaina i aramanei da tauta pokaei i kaueta.
- 15** Ata mara au dobu lamna me modu.  
Ta gogogo ma ta rarata me berana moduei;
- 16** Anina ma ive i uvena-kapupuei,  
ēga ita mamae, ana gabu i kwakwava.
- 17** Taui da BADA e voepaepai ana nuavaina maemae-  
nonoana

---

\* **103:5:** Manubada tawarana waduboi e peupeu ma vouii e gogogo.  
Me manubada tawarana voui e gogogo nanare tam au lawana  
e raviravivouni.

awarii ma nanare noinooi ma ai epaepaia  
awarii

<sup>18</sup> taui aiavoi da ana parivainuaāgana bagibagina  
e vovoijini  
ma ana patupatutui tarawatu e vovoijini.

<sup>19</sup> BADA ana vigulau anikialana au mara i terei,  
ma kampa ana vigulau e vivibadei.

<sup>20</sup> BADA ana anela, vivirewapanami,  
BADA riwana o rarautaniāganei ma o kaukauei,  
BADA ona voepaepai.

<sup>21</sup> Anina BADA ana anela marei,  
BADA ona voepaepai taumi ana taunola ma ana  
goana anatapuna o kaukauei.

<sup>22</sup> Taumi anatapumi BADA uranei i kauei, ana au  
vigulau maemaei, BADA ona voepaepai.  
Tau nanare orau taputapunei BADA  
ana voepaepai.

## 110

### *Gulauna vinevinena*

David ana wela

<sup>1</sup> <sup>☆</sup>BADA au bada wenanare i riwei,

“Au oieu ma kiala  
da am āavia

au ae karem ana terei da ma tuvaidoedoei.”

<sup>2</sup> BADA, am gabemani vivirewapanana Zion <sup>\*</sup>ana  
parata ina viratai,  
da am āavia ma vibadei.

<sup>3</sup> Am laraga ana nuaii ina verena-melei da  
ina visorodia,  
ma ona āgae BADA ana ola au tepana viāavia  
aubaina,

<sup>☆</sup> **110:1:** Mrk 12:36; Act 2:34-35      \* **110:2:** Jerusalem wavana  
āgelauna.

ma ami rewapana ina ravivouni ubaubanai patap-  
atana me ubaubanai turuvanina.

**4** BADA i parivainuağanim ma eğä nuanuana  
ina virai;  
“Tam pirisi maemae nonoana me  
Melkisedek.”

**5** BADA au oiem e maimairi da e paipainim;  
tauna gulagulau ina piägi maranai amlona  
ina ġaiğai.

**6** Dobu nununai ai ġoa apoapoe ina kovoği,  
ma taubeu dobuna ina vioai  
ma dobu gulagulaui anatapui kolai  
ina viaigwadagwadai.

**7** Wate au etanai au vuvura ina uma  
ma rewapana ina verei ma ina vovaiuba.

## 119

### *BADA ana tarawatu boruborumana*

**9** Rava vouna menanare lawana aiaina ina maeni?  
Tauna riwamei ina paina-melei.

**10** Lamna aubaina a baibaiem orau taputapunei;  
eğä ma votereu da riwam ana geduaiei.

**11** Riwan a iaiaivi ma au nuanuau a tereterei,  
da eğä ġo'apoapoei awarim ana kuae.

**12** BADA, a voepaepaim!  
Am tarawatu ma viaramaniu.

**13** Ipiriuei ana bababani ma  
am tarawatu anatapui u verevereiu ana jimei.

**14** Am tarawatu votelatelana a vinuaianana-kauei,  
eğä me vipurapura bo vimane.

**15** Riwan ana iavi  
ma ana vinuanotenotei.

**16** Am tarawatu a vinuaianana-kauei,  
eğä riwan ana voteretawanei.

# 139

*Bada anatapuna i aramanei.*

David ana wela

- <sup>1</sup> BADA orau u inanai ma au kaua anatapui  
u aramanei.
- <sup>2</sup> U aramanei mara aiwai a kiala ma a vomairi.  
Avena au uama wate au nota e araramanei.
- <sup>3</sup> E inainanaiu maranai a babara bo au numa  
a vivilauvitau.  
Anatapuna a kaukauei e araramanei.
- <sup>4</sup> Muriai da ata babani tam e araramanei aiwai  
ana latoni.
- <sup>5</sup> Tam e garigari-kwaipipiniu,  
ma uram virewapananei e paipainiu.
- <sup>6</sup> Lamna riwa kauana, awariu i aii kaua  
ma i ġe-dewadewa da kolau i kwauna-kauei.
- <sup>7</sup> Mepa ana nae da Aruam ana raugovaġei?  
Mepa ana ruba da ana raugovaġem?
- <sup>8</sup> Ata ġae au mara da tam kampa;  
mepa da i 'rairaġei ai au dobu ata rauviraiu,  
tam kampa.
- <sup>9</sup> Mepa da ana lave nae au maramatanei,  
bo mepa madēga e neneulai,
- <sup>10</sup> avena kampa ma uram ina raveniu,  
ma am rewapani ina painiu.
- <sup>11</sup> Mepa da ana riwa, "Gimtona ina tereġovaġiu  
ma lalalaina ina gimtona."
- <sup>12</sup> Wate avena da gimtonana amapo eġa ana rau-  
govaġem.  
Tam awarim gimtona ina rarana me marai,  
aubaina tam awarim gimtona ma lalalaina  
lamna tagogina.
- <sup>13</sup> Tam tupuau anatapuna u voai da alou au man-  
awana u teretagogieu.

- 14** A vivieugalauem aubaina tam am nuavainei ma  
am borumei u voa-kaueu! Am raūgarōgaro  
i aii,  
A voepaepaim aubaina a aramana-kauei.
- 15** Tam u vivinenēganeu maranai a tuputupua au go-  
vagovāgana, alou au manawana,  
tam ainelam anatapuna u aramanei.
- 16** Tam u inanaiu muriai da a tupua.  
Aupom biāga u vereu da ana mae  
lamna au buka u girumi,  
muriai da aupom naona i āgotai.
- 17** God! I piripiri guratana da am nota ana ara-  
manei.  
Am nota kolau i kwauni, ēga aiwai āelaunei am  
kaua ana aramanei.
- 18** I māga guratana ēga me bubu, iavana  
ana kauana-avei,  
avena da ata iava-pai, tau amapo da tam  
ana vivinuanainem.
- 19** Oo God! A āgoei da āgo'apoapoei ravai uta virāgeni.  
Tauvirāgena uta viāgāgei da ēga ina nei awariu.
- 20** Aubaina e vivijibogim,  
ma wavam ēga ita vivivirei.
- 21** BADA, rava e gedugeduaiem, tau ravai  
a gedugeduaiem.  
Taui ēga ita voteletelem lamna aubaina taui au  
āgavia.
- 22** Taui a geduaiana-kauei,  
anina taui au āgavia.
- 23** Ma tuvirevireu, ma orau ma inana-pai.  
Ma raudadaniu da nuanuau ma aramanei.
- 24** Mepa da āgoa apoapoe au orau, ma viatataieu,

Psalm - Wela ma Pari 139:24

xix

Psalm - Wela ma Pari 139:24

ma ma raveniu etanai e nenea au lawana  
maemae-nonoana awarina.

**Wedau Mark**  
**The Gospel of Mark in the Wedau Language of Papua**  
**New Guinea**  
**Buk Mak long tokples Wedau long Niugini**

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

---

PDF generated using Haiola and XeLaTeX on 28 Dec 2024 from source files  
dated 31 Aug 2023

aa19f3e3-98fb-51fa-9c53-3906edc75f11